

atu ki raro. Ki te whawhai tatau ki te mate kōhi, me whakahou nga mahara, me whitiki ki nga whitiki a te iwi e toa ana ki te whawhai ki te kōhi. Kaua hei whakatonga; kaua hei mahara e hara mou taua whiu. Heoi tau he tupato, he whai i te tauwira a te pakeha. Otira, he pakanga nui te pakanga ki te kōhi. *Me whakatu marire he kai arāhi mo te iwi ki tenei pakanga ka ngahau te tu, te haere ranei i roto o te kapa o te riri.*

TE RONGOA Upoko V. A.

E rua nga momo o te rongoa. *Tuatahi*, ko te kaupare atu i te mate: ara ko te karo. Tuarua ko te tuku kai pa te mate, ka tahuri ai ki te rongoa. Te momo rongoa tika mo te kōhi ko te karo i te mate. No reira mo tena taha aku kupu maha. Kaati me waiho hei muri au huri ake ai ki tena taha. Kia whai kupu au i naianeī mo te taha ki te rongoa.

TE RONGOA.

He mahara whanui no te Maori, tae noa atu pea ki te pae-tākū o te pakeha, kaore te mate kōhi e taea te rongoa. No mua tena mahara, no mua atu i nga tau e 20 ka hori ra ki muri. Mehemea au e tuhituhi ana i nga korero nei hei whakarongo ma te Ropu Takuta, ka ata whakatakoto au i nga whakahaere kua mahia hei rongoa i te kōhi: tena ahua kōhi me tana rongoa; tent ahua me tona rongoa. Kei te tuhituhi ke au i enei korero hei tohutohu i te hunga kuare; te hunga kaore e taea e ratou te mahi nga mahi o aua whakahaere. Heoi ano taku i konei he tatau atu i nga ahua 'rongoa' katoa, kia mohio mai ai koutou e te iwi, kanui nga mea kōhi kua ora i nga whakahaere o enei ra. Ko ianei aua "rongoa."

1. Artificial pneumothorax
2. Tuberculin
3. Fiaschis operation for resection of Lung.
4. Nascent Iodine.
5. Calcium Chloride
6. Lipiodol
7. Sanocrysin.
8. Copper

Ma te ringaringa tohunga anake enei rongoa e whakahaere. I whakararangitia ake ai enei 'rongoa' kia rongo mai ai te iwi, he mate taea tonutia te kōhi e te 'rongoa.' Ma te kōhi tino kaha rawa ano e kore ai e taea. Engari kaua koutou hei penei na, he mate taea te kōhi te 'rongoa,' ka waiho ia koutou kia roa e pangia ana ka rapa i te takuta; a ma tetahi o te rarangi ingoa i runga ake nei koutou e whakaora. *He whakaatu ke tera naaku kia koutou kaore he mea i ngaro i te matauranga. Heoi mo tena taha.*

(Taria te Roanga.)